



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCIX. Bartold Ritter von Wodenswegen bekräftigt vor dem Markgrafen
Otto von Brandenburg in dessen unter Königsbann auf einer Wiese bei
Gutenswegen gehaltenen Landgerichte den Verkauf eines in der ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

dem commissio uobis nec utilis nec expediens reputatur, ipsam presentibus reuocamus, nos a deuotione dictorum Marchionum, quantum est ex parte commissionis predictae, nichilominus absoluentes, mittentes has litteras uobis in testimonium super eo. Datum Vl mee, idus Maii, Anno domini M^o CC^o LXXXII^o, Regni nostri Anno IX^o.

Aus der Lübecksch. Urk. Samml. Nr. CDXXVII.

CCIX. Bartold Ritter von Wodenswegen bekräftigt vor dem Markgrafen Otto von Brandenburg in dessen unter Königsbaum auf einer Wiese bei Gutenswegen gehaltenen Landgerichte den Verkauf eines in der Grafschaft der Markgrafen jenseit der Ohre gelegenen Gehölzes an das Kloster Althaldensleben, am 5. Juli 1282.

In nomine sancte et individue trinitatis Amen. Bartholdus, miles dictus de Wodenswegen, castellanus in Wolmerstede, omnibus salutem in perpetuum. — Notum esse cupio uniuersis et singulis tam presentibus quam futuris, quod, non ignorantibus uiris honestis et fide dignis, domino hermanno, preposito cenobii sanctimonialium, sub regula sancti benedicti in veteri haldesleue deo devote famulancium, hantone et Johanne filio ejusdem de Irkesleue; Johanne de calenberge, Borchardo nigro de Irkesleue militibus et Droisecone genero meo, castellanis de wolmerstidde, Conrado de haldesleue, gifrido de helmstede, bernardo filio zophie, et conrado longo ejusdem genero, Johanne filio Gerberti, conrado de tunderslove, conrado de Randowe, civibus Magdeburgensibus, et pluribus aliis, receptis integre de manu ejusdem prepositi ex parte predicti cenobii viginti marcis Stendalensis pecunie, pro eadem, silulam sitam in comicia dominorum meorum marchionum Brandenburgensium trans Oram prope villam Glufinghe, que parua Grevena nuncupatur, cujus proprietates linealiter ad me cum omni jure a progenitoribus meis jam dudum fuerat deuoluta et quiete possessa, mediantibus fratribus meis uoluntarie consentientibus, cum fundo, lignis et aliis pertinentiis suis, limitatione debita designatam, titulo uendicionis eidem dimisi, eodem jure, quo eam tenueramus, de cetero ab ipso cenobio perpetuo possidendam. Obligans memet ipsum ac meos heredes presencialiter ac eciam in futurum ad conseruandam diligenter et sufficienter sepefato cenobio warandiam debitam, secundum quod conseruit in proprietatum contractibus obseruari: prepositum quoque predictum loco cenobii misi in possessionem siluule memorate. Porro, anno ferme dimidio post jam dictum contractum peracto, dominus meus Marchio Otto in prato Wodenswege, quod in supra dicta comicia comprehendere dinoscitur, constitutus, a me requisitus, presente preposito prelibato, secundum formam iusticie diligenter procedens, juris ordine utrobique seruato, approbavit contractum ac tuitione hanni regalis conseruata munitum, cenobium memoratum donacione perpetua de sepe dicta siluula investit, respondente in (ei?) sua provincia, quod filius meus jam biennis, quam cito annos debite discretionis attigerit, que pretaxata sunt, rata tenere debeat et accepta. Acta sunt hec presentibus dominis Guntero comite in Mulingen, wernero de hademersleue, baronibus; Ri-

chardo de damis, hildemaro, heifone de stenvorde, conrado de weddinghe, hantone de Irkesleve, gevehardo nigro de Irkesleve, hinrico de hordorpp, Johanne de Otterfleve, militibus; hinrico de schakenflove, et aliis quam pluribus fide dignis. Ut autem premissus contractus noster pariter et donacio domini mei intueri volentibus fidem prebere valeant ac liqueat in futurum, utrumque annotari presentibus et sigilli mei feci testimonio in Jhesu Christi nomine consignari. Datum in prato apud Wodenswege, anno domini millesimo CC^oLXXXII, tertio non. Julii.

Nach einer Mittheilung des Pastor Behrends zu Nordgermerleben in L. v. Ledebur N. Archiv II, 165.

CCX. Die Markgrafen Otto und Konrad bestätigen der Stadt Bautzen die Gerichtsbarkeit über alle Verbrechen, welche von markgräflichen Vasallen innerhalb ihrer Mauern oder ihrer Feldflur verübt wurden, am 13. Juli (1282.?)

In nomine domini Amen. Omnia facta mortalium temporalem motum sequuntur, et pereuntibus hominibus ipsorum simul facta intereunt. Idcirco necesse est, vt que sua natura tendunt ad interitum, amminiculo litterarum fulciantur et ab obliuionis interitu defendantur. Hinc est, quod nos Otto & Conradus, dei gracia Marchiones Brandenburgenses, recognoscimus presentibus publice profitentes, volentes peruenire ad noticiam futurorum, quod ob fidelissima seruitia, nobis & nostris predecessoribus sepissime exhibita per fideles nostros ciues nostre ciuitatis Budessin, confirmamus jura ipsorum, que etiam coram nobis sufficienter et certissime sunt probata, jura videlicet: quecunque fierent violencie, offensiones, lesiones, vulnera, homicidia, furta, rapine per aliquos nostros wasallos in ciuitate Budessin wel extra muros ciuitatis dicte, uidelicet infra metas aut terminos ciuitatis eiusdem, qui fulgariter flurzeeune vocantur, damus & conferimus rite & racionabiliter omnes predictos excessus, cujuscunque condicionis fuerint, in predicta ciuitate perpetuis temporibus indicandos. Ne autem huiusmodi confirmacio seu donacio in posterum immutari possit uel impediri, hanc literam conferibi iussimus Et nostri Sigilli munimine roborari. Actum & datum Budessin coram domino Leuthero de palowe, Thiderico de panewitz, Conrado & dithmaro de borch, Alberto et Gotfrido de Guze, Gregorio et Nicolao de kopperitz, Renschone de temeriz, Zachmanno & Nicolao de casewe militibus, Dithmaro de Bischoffswerde et filio suo henrico, fleminge, Slichtingo, Jo. vrso, herdeno, olthmanno, Conrado de Lubauia, wernhero geluke, ciuibus, sub advocatione nostro heynemanno de wartenberg & henrico sculteto hereditario Budessinensi, et aliis quam plurimis fide dignis. Anno domini millesimo ducentesimo sexagesimo secundo, In die Margarethe virginis gloriose.

Nach einem Transsumt in König Wladislaw's Bestätigung vom Jahre 1514 in dem R. R. Geheimen Hof- und Haus-Archive zu Wien und einem Abdrucke nach dem Original in Eyschoppe und Stenzel's Schles. Urk.-Samml. S. 398. 399. Es ist auffallend, daß diese Urkunde an beiden Orten, in dem Transsumte vom J 1514, wie in der Original-Ausfertigung, die Jahreszahl 1262 trägt. Dennoch muß dieses Datum auf einem Irrthume beruhen: